

FOBAN CREAM

Fusidic Acid (2.0 % w/w)

Apakah yang ada pada risalah ini

1. Apakah kegunaan Foban Cream
2. Bagaimana Foban Cream berfungsi
3. Sebelum menggunakan Foban Cream
4. Cara menggunakan Foban Cream
5. Semasa menggunakan Foban Cream
6. Kesan-kesan sampingan
7. Cara penyimpanan dan pelupusan Foban Cream
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Risalah ini menjawab beberapa soalan lazim tentang Foban Cream. Ia tidak mengandungi semua maklumat yang tersedia. Ia juga tidak menggantikan tempat ahli farmasi atau doktor anda.

Simpan risalah ini bersama ubat. Anda mungkin perlu membacanya lagi.

Apakah kegunaan Foban Cream

Foban Cream digunakan untuk merawat luka primer atau sekunder pada kulit yang dijangkiti oleh bakteria seperti *Staphylococcus* atau *Streptococcus*.

Bagaimana Foban Cream berfungsi

Foban Cream mengandungi bahan aktif fusidic acid. Setiap gram krim mengandungi 20 mg fusidic acid.

Fusidic acid adalah antibiotik yang menjalankan aktiviti antibakteria terhadap kuman (bakteria) yang terdapat pada kulit.

Tanya ahli farmasi atau doktor anda sekiranya anda mempunyai sebarang pertanyaan tentang ubat ini.

Sebelum menggunakan Foban Cream

Bila tidak boleh menggunakan

Jangan menggunakan Foban Cream sekiranya:

- Anda alah (hipersensitif) terhadap fusidic acid dan garam yang berkaitan atau sebarang bahan yang terkandung dalam ubat ini.

Sebelum menggunakan Foban Cream

Maklumkan ahli farmasi atau doktor:

- Sekiranya anda mempunyai jangkitan pada kulit dan nyatakan kawasan jangkitan.
- Jika anda menggunakan mana-mana ubat yang memerlukan preskripsi atau ubat-ubatan tanpa preskripsi atau produk kulit.

Kehamilan dan penyusuan badan:

- Tanya doktor atau ahli farmasi anda untuk mendapatkan nasihat sebelum menggunakan ubat ini sekiranya anda hamil atau menyusu badan.
- Tiada rekod yang menunjukkan bahawa ubat ini selamat digunakan semasa kehamilan dan penyusuan.
- Fusidic acid telah ditemui dalam susu badan, tetapi dalam kuantiti yang tidak mungkin akan mempengaruhi bayi dengan penggunaan secara topikal.

Jika mengguna ubat-ubat lain

Maklumkan ahli farmasi atau doktor anda sekiranya anda sedang mengambil apa-apa produk lain (misalnya ubat yang dibeli tanpa preskripsi doktor, ubat yang memerlukan preskripsi dan produk-produk herba).

Beritahu doktor atau ahli farmasi anda terutamanya jika anda sedang mengambil Penicillins sebelum anda mula mengambil Foban Cream kerana ubat-ubatan ini boleh berinteraksi antara satu sama lain.

Jika anda mempunyai sebarang kemusykilan tentang pengambilan ubat ini, tanya ahli farmasi atau doktor anda.

Cara menggunakan Foban Cream

Berapa banyak yang harus digunakan

Sapukan ubat dua kali sehari. Rujuk kepada dos yang dicadangkan oleh doktor atau ahli farmasi anda.

Bila perlu digunakan

Sapukan ubat selepas membersihkan bahagian yang terjejas.

Berapa lama perlu digunakan

Rujuk kepada doktor atau ahli farmasi untuk tempoh rawatan.

Jika terlupa menggunakan

Gunakan dos yang terlepas sebaik sahaja anda mengingatnya. Penggunaan seterusnya adalah seperti biasa.

Jika mengguna berlebihan (terlebih dos)

Penggunaan yang berlebihan tidak akan menyebabkan sebarang kesan yang merbahaya.

Jika anda mengesyaki bahawa anda terlebih dos, sila rujuk doktor atau ahli farmasi anda. Bawa bersama baki ubat dengan anda.

Semasa menggunakan Foban Cream

Perkara yang perlu dilakukan

Jika anda akan mula mengguna sebarang ubat baru, maklumkan ahli farmasi atau doktor anda yang anda sedang menggunakan Foban Cream.

Perkara yang tidak boleh dilakukan

Jangan guna Foban Cream sekiranya anda mengalami kegatalan atau sensitif selepas menggunakan ubat ini.

Perkara yang perlu diberi perhatian

Ubat ini tidak boleh digunakan pada atau berhampiran mata. Jika ini berlaku, basuhkan mata anda dengan pencuci mata. Mata anda mungkin terasa menyengat. Sekiranya anda mengalami sebarang masalah penglihatan atau mata sakit, hubungi doktor anda dengan segera.

Jangan telan ubat ini. Kuantiti yang kecil tidak akan menyebabkan apa-apa kemudaratan. Jika anda tidak sengaja menelan dalam kuantiti yang banyak, sila hubungi doktor anda dengan segera.

Kesan-kesan sampingan

Semua ubat mempunyai risiko dan manfaat. Ahli farmasi atau doktor anda telah mempertimbangkan risiko anda mengambil Foban Cream berbanding manfaat yang mereka jangka untuk anda.

Foban Cream boleh menyebabkan kesan sampingan yang tidak diingini pada segelintir orang. Semua ubat boleh mendatangkan kesan sampingan. Kadangkala ia serius, tetapi kebiasaannya ia tidak serius.

Kesan sampingan yang mungkin berkaitan dan telah dilaporkan: ruam dan iritasi.

Berhenti menggunakan ubat ini dan dapatkan bantuan segera jika anda mengalami: kesukaran bernafas, muka dan tekak membengkak dan ruam kulit yang teruk.

Jika anda mengalami mana-mana kesan sampingan, walaupun yang tidak dinyatakan di dalam risalah ini, maklumkan doktor atau ahli farmasi anda.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web portal.bpfk.gov.my (*Consumers → Reporting*).

Cara penyimpanan dan pelupusan Foban Cream

Penyimpanan

Simpan di bawah suhu 30°C. Simpan di tempat kering dan sejuk serta terlindung daripada cahaya. Simpan jauh daripada jangkauan kanak-kanak.

Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

Rupa dan warna produk

Foban Cream ialah krim yang halus dan berwarna putih.

Foban Cream boleh didapati dalam tiub aluminium 5g atau 15g.

Bahan-bahan kandungan

Bahan aktif:
Setiap gram krim mengandungi 20 mg fusidic acid.

Bahan-bahan tidak aktif:
Cetomacrogol 1000, White Soft Paraffin, Cetostearyl Alcohol, Liquid Paraffin, Methyl Paraben, Propyl Paraben, Propylene Glycol dan Purified Water.

Nombor MAL

MAL19987362AZ

Pengilang

HOE Pharmaceuticals Sdn. Bhd.
Lot 10, Jalan Sultan Mohamed 6,
Bandar Sultan Suleiman,
42000 Port Klang, Selangor,
Malaysia.

Pemegang Pendaftaran Produk

HOE Pharmaceuticals Sdn. Bhd.
Lot 10, Jalan Sultan Mohamed 6,
Bandar Sultan Suleiman,
42000 Port Klang, Selangor,
Malaysia.

Tarikh kemaskini RiMUP

25/05/2015

Nombor siri

BPFK(R4/1)250515/00119